

賢愚因緣經卷第十二

達二

元 魏 沙 門 慧 覺 譯

師質子摩頭羅瑟質緣品第五十四

如是我聞一時佛在舍衛國祇樹給孤獨園

爾時國中有一婆羅門字曰師質居家大富
達二
無有子息詣六師所問其因緣六師答言汝
相無兒爾時師質便還歸家著垢膩衣愁思
不樂而自念言我無子息一旦命終居家財
物當入國王思惟是已益增愁惱婆羅門婦
與一比丘尼共爲知識時比丘尼值到其舍

見其夫主憂愁憔悴便問之言汝夫何故愁
悴如是婆羅門婦即答之曰家無子息往問
六師六師占相云當無兒以是之故愁憂不
樂時比丘尼復語之言六師之徒非一切智
何能知人業行因緣如來在世明達諸法過
去未來無所障礙可往問之必足了知比丘
尼去後婦便白夫如向所聞時夫聞已心便
開悟更著新衣往詣佛所稽首作禮而白佛
言我之相命當有兒不世尊告曰汝當有兒
福德具足生長已大當樂出家婆羅門聞歡

喜無量而作是言但使有兒學道何苦時因請佛及比丘僧明日舍食是時世尊默然許之明日時到佛與衆僧往諸師質家衆坐已定婆羅門夫婦齊心同志教奉飲食衆會食竟佛及衆僧還歸所止路由一澤中有泉水甚爲清美佛與比丘僧便住休息時諸比丘各各洗鉢有一獮猴來從阿難求索其鉢阿難恐破不欲與之佛告阿難速與勿憂奉教便與獮猴得鉢持至蜜樹盛蜜滿鉢來奉上佛佛告之曰去中不淨獮猴即時捨却其蟲

極令淨潔佛便告言以水和之如語著水和飲已竟奉授世尊世尊受已分布與僧咸共飲之皆悉周遍獮猴歡喜騰躍起舞墮大坑中即便命終竟識受胎於師質家時師質婦便覺有身日月已足生一男兒面首端正世之少雙當生達二時家內器物自然滿蜜師質夫婦喜不自勝請諸相師占其吉凶相師占訖而告之曰此兒有德甚善無比因爲作字字摩頭羅瑟質此言
蜜勝以其初生之日蜜爲瑞應故因名焉兒已年大求索出家父母戀惜

不肯放之兒復慇懃白其父母若必違遮不
從我願當取命終不能處俗父母議言昔日
世尊已豫記之云當出家今若固留或能取
死就當聽許共議已決而告兒言隨汝所志
兒大欣躍往到佛所稽首作禮求索出家世
尊告曰善來比丘鬚髮自墮法衣在身便成
沙門因爲演說四諦妙法種種諸理心開結
盡得阿羅漢每與諸比丘人間遊化若渴乏
時擲鉢空中自然滿塞衆人共飲咸蒙充足
是時阿難白佛言世尊摩頭羅瑟質積何功

德出家未久便獲應真意有所須隨念而得
佛告阿難汝憶往日受師質請不答言憶之
佛言阿難於彼食已至空澤中時有獮猴從
汝索鉢盛蜜施佛佛爲受之欣悅起舞墮境
即死汝復憶不答言憶之佛語阿難彼獮猴
者今摩頭羅瑟質是由其見佛歡喜施蜜得
生彼家姿貌端正出家學道速成無漏阿難
長跪重白佛言復有何緣生獮猴中佛告阿
難乃往過去迦葉佛時有年少比丘見他沙
門跳度渠水而作是言彼人飄疾熟似獮猴

彼時沙門聞是語已便問之曰汝識我不答言識汝是迦葉佛時沙門何以不識時彼沙門復語之言汝莫呼我假名沙門沙門諸果我悉辦之年少聞之衣毛皆堅五體投地求哀懺悔由悔過故不墮地獄形皆羅漢故五

百世中恒作獮猴由前出家持禁戒故今得見我沐浴清化得盡諸苦佛告阿難爾時年少比丘今摩頭羅瑟質是爾時阿難及諸大眾聞佛所說悲喜交集咸作是語身口意業不可不護緣是比丘不能護口獲報如是佛

告阿難如汝所言因爲四衆廣說諸法淨身口意心垢除淨各得道迹有得須陀洹斯陀舍阿那舍阿羅漢有發無上正真道意或有住於不退地者衆會聞法咸共歡喜頂戴奉行

檀彌離緣品第五十五

如是我聞一時佛在王舍城竹園之中時拘薩羅國中有一長者字曇摩貰質豪貴大姓無有子息禱祀國中一切神祇求索有子精誠感神婦即懷妊日月斯滿生一男兒軀體

端嚴世所希有召諸相師占相吉凶相師占之知其有德因爲立字名檀彌離年既長大其父命終時波斯匿王即以父爵封之受王封已父時舍宅變成七寶諸庫藏中悉皆盈滿種種具有時王子瑠璃被純熱病至爲困憊諸醫處藥須牛頭栴檀用塗其身當得除愈王即出令唱語國中誰有牛頭栴檀持詣王家兩當崔直與千兩金令語盡遍無持來者時有一人啓白王曰拘薩羅國檀彌離長者家內大有時王聞之乘車馬舉躬自往求

到檀彌離長者門前時守門人即入白之波斯匿王來在門外長者歡喜即出奉迎請王入宮前見外門純以白銀門內有女面首端正世無有雙踞銀牀紡銀縷小女十人侍從左右時王便問是汝婦耶答言非也是守門婢王續問之是小女輩復用何爲彌離答言通白消息次入中門純紺瑠璃門內有女面貌端嚴復勝於上左右侍從轉倍前數進入內門純以黃金門內有女顏貌端正轉勝上者坐金牀紡金縷左右侍人復倍上數王亦

問之此女人者是卿婦耶答言非也入到舍內見琉璃地清澈如水屋間刻鏤種種獸形及水蟲像風吹動之影現地中奔動搖王見疑怖謂是實水而問之言餘更無地殿前作池彌離答言此非水也是紺琉璃即脫手指亡寶環釧擲置于地徑到彼際礙壁乃住王見歡喜即共入內昇七寶殿彌離夫人在其殿上所坐之牀用紺琉璃更有妙牀請王令坐彌離夫人眼即淚出王問之言何以淚出不相喜耶夫人答言王來大善但王衣服

達二五有微烟氣令我淚出非是相憎王便問言奉波家內不然火耶答言不也王問曰以何責食答曰欲食之時百味飲食自然在前王復問言冥暮之時以何爲明答言用摩尼珠即便閉戶及諸窓牖出摩尼珠明逾晝日時檀彌離跪白王言大王何故勞屈尊神王告之曰我子琉璃被病因篤須牛頭栴檀故來索之彌離歡喜將入諸藏指示其物七寶珍奇明淨曜目栴檀積聚不可稱計而語王言須者取之時王答言我須二兩便折與之多少

正足即使侍從先送歸國時王敬念而語之
言汝當見佛彌離答言云何爲佛王曰汝不
聞乎迦維羅衛淨飯王子獸老病死出家學
道道成號佛三十二相八十種好神足智慧
殊特無比人天中尊故號爲佛彌離聞已深
生敬心而問王言今在何許王答之曰在王
舍城竹園中止王去之後即往見佛覩佛六
顏過踰國王所歎萬倍心懷歡喜頭面作禮
問訊起居佛_說^{達二}說法得須陀洹道長跪合掌
求索出家佛_說^六許善來比丘鬚髮自隨法

衣著身重爲說法四諦真法苦集盡道心垢
都淨成阿羅漢爾時阿難及諸比丘合掌白
佛問世尊言檀彌離比丘有何功德生於人
中受天福祿不樂世樂出家未久即獲道果
佛語阿難善聽當說乃往過去九十一劫時
世有佛名毗婆尸滅度之後於像法中有五
比丘共計盟要來覓靜處當共行道見一林
六澤泉水清美淨潔可樂時諸比丘俱共同聲
勸語一人此去城遠乞食勞苦汝當爲福供
養我等爾寺一人即便許可往至人間勸諸

檀越日爲送食四人身安專精行道九十日中便獲道果即同心語此比丘緣汝之故我等安隱本心所規今已得之欲求何願悉

汝求之時彼比丘心情歡喜而作是言使我將來天上人中富貴自然所願之物不加功力皆悉而生遭值聖師遇踰仁等百千萬倍聞法心淨疾獲道果佛告阿難爾時比丘檀彌離是緣其供給四比丘故九十一劫生天人中豪貴尊嚴不處貧窮卑賤之家今得見我獲道度世爾時阿難及諸比丘聞佛所說

各自勑勵精進修道有得初果乃至四果有發曠濟之心住不退者各各喜悅頂戴奉行象護緣品第五十六

如是我聞一時佛在舍衛國祇樹給孤獨園爾時摩竭國中有一長者生一男兒相貌具足甚可愛敬其生之日藏中自然出一金象父母歡喜便請相師爲其立字時諸相師見兒福德問其父母此兒生日有何瑞應即答之言有一金象與兒共生因瑞立名字曰象護兒漸長大象亦隨大既能行步象亦行步

出入進止常不相離若意不用便住在內象
大小便唯出好金其象護者常與五百諸長
者子共行遊戲各各自說家內奇事或有說
言我家舍宅牀榻坐席悉是七寶或有自說
我家屋舍及與園林亦是衆寶復有說言吾
家庫藏妙寶恒滿如是之比種種衆多是時
象護復自說言我初生日家內自然生一金
象我年長大堪任行來象亦如是於我無違
我恒騎之東西遊觀遲疾隨意甚適人情其
大小便純是好金時王子阿闍世亦在其中

聞象護所說便作是念若我爲王當奪取之
既得作王便召象護教使將象共詣王所時
象護父語其子曰阿闍世王兇暴無道貪求
慳惜自父尚害何況餘人今者喚卿將貪卿
象儻能相奪其子答曰我此象者無人能劫
父子即時共乘見王時守門人即入白王象
護父子乘象在門王告之曰聽乘象入時守
門者還出具告象護父子乘象徑前旣達官
內爾乃下象爲王跪拜問訊安否王大歡喜
命令就坐賜與飲食粗略談語須臾之頃辭

王欲去王告象護留象在此莫將出也象護欣然奉教留之空步出宮未久之間象沒於地踊出門外象護還得乘之歸家經由少時便自念曰國王無道刑罰非理因此象故或能見害今佛在世澤潤羣生不如離家遵修梵行即白父母求索入道二親聽許便辭而去乘其金象往至祇洹既見世尊稽首作禮陳說本志佛尋許言善來比丘鬚髮自落法服在身便成沙門佛便爲說四諦要法神心超悟便逮羅漢每與諸比丘林間樹下思惟

修道其金象者恒在目前舍衛國人聞有金象競集觀之忽鬧不靜妨廢行道時諸比丘以意白佛佛告象護因此象故致有煩憤鄉今可疾遣之令去象護白佛久欲遣之然不肯去佛復告曰汝可語之我今生分已盡更不用汝如是至三象當滅去爾時象護奉世尊教向象三說吾不須汝是時金象即入地中時諸比丘咸共奇怪白世尊言象護比丘本修何德於何福田種此善根乃獲斯報巍巍如是佛告阿難及諸比丘若有衆生於三

寶福田中種少少之善得無極果乃往過去
迦葉佛時時彼世人壽二萬歲彼佛教化周
訖還神涅槃分布靈骨多起塔廟時有一塔
中有菩薩本燒率天所乘來下入胎時象彼
達二
時象身有少剝破時有一人直行繞塔見象
九
身破便自念言此是菩薩所乘之象今者捐
壞我當治之取泥用補雌黃汙塗因立誓願
使我將來恒處尊貴財用無乏彼人壽終生
於天上盡天之命下生世間常在尊豪富樂
之家顏貌端正與世有異恒有金象隨侍衛

護佛告阿難欲知爾時治象人者今象護是
由於彼世治象之故從是已來天上人中封
受自然緣其敬心奉三尊故今遭值我稟受
妙化心垢都盡逮阿羅漢慧命阿難及諸衆
會聞佛所說莫不開解各得其所有得須陀
洹斯陀含阿那含阿羅漢者有發無上正真
道意者有證不退位者莫不歡喜敬戴奉行
波婆梨緣品第五十七

如是我聞一時佛在王舍城鷲頭山中興尊
弟子千二百五十人俱爾時波羅奈王名波

羅摩達王有輔相生一男兒三十二相衆好備滿身色紫金姿容挺特輔相見子倍增怡悅即召相師令占相之相師披看歎言奇哉相好畢滿功德殊備智辯通達出踰人表輔相益喜因爲立字相師復問自從生來有何異事輔相答言其怪異常其母素性不能良善懷妊已來悲矜苦厄慈潤黎元等心護養相師喜言此是兒志因爲立字號曰彌勒父母喜愛心無有量其兒殊稱合土宣聞國王聞之懷懼言曰念此小兒名相顯美儻有高

德必奪我位及其未長當預除滅久必爲患作是計已即勑輔相聞汝有子容相有異汝可將來吾欲得見時宮內人聞兒暉問知王欲圖甚懷湯火其兒有舅名波婆梨在波梨富羅國爲彼國師聰明高博智達殊才五百弟子恒逐諮票於時輔相憐愛其子懼被其害復作密計密遣人乘送之與舅舅見彌勒達相師喜言此是兒志因爲立字號曰彌勒父覩其色好如意愛養敬視在懷其年漸大教使學問一日諸受勝餘終年學未經歲普通經書時波婆梨見其外甥學既不久通達諸

書欲爲作會顯揚其美遣弟子至波羅柰語於輔相說兒所學索於珍寶欲爲設會其弟子往至于中道間人說佛無量德行思慕欲見即往趣佛未到中間爲虎所敗乘其善心生第一四天波婆梨自竭所有合集財賄爲設大會請婆羅門一切都集供辦餚饌種種甘美設會已訖大施達覲一人各得五百金錢布施訖竟財物罄盡有一婆羅門名勞度差最於後至見波婆梨我從後來雖不得食當如比例與我五百金錢波婆梨答我物

已盡實不從汝有所愛也勞度差言聞汝設施有望相投云何空爾見垂施惠若心拒逆不見給者汝更七日頭破七段時波婆梨聞是語已自思惟言世有惡呢及餘蠱道事不可輕儻能有是財物悉盡卒無方計念是愁憂深以爲懼前使弟子終生天者遙見其師愁忤無賴即從天下來到其前問其師言何故愁憂師具以事廣說由緣天聞其語尋白

十一

師言勞度差者未識頂法愚癡迷網惡邪之人竟何所能而乃憂此今唯有佛最解頂法

無極法王特歸依時波婆梨聞天說佛即重問之佛是何人天即說佛生迦毗羅衛淨飯王家右脅而生尋行七步稱天人尊三十二相八十妙好光照天地梵釋侍御三十二瑞振動顯發相師觀見記其兩處在家當作轉輪聖王出家成佛覩老病死不樂國位踰宮出國六年苦行菩提樹下破十八億魔於後夜中普具佛法三明六通十力無畏十八不共法悉皆滿備至波羅捺初轉法輪阿若憍陳如五人漏盡八萬諸天得法眼淨無數

天人發大道意復到摩竭度鬱毗羅并舍利弗目犍連等出一千二百五十比丘以爲徒類號曰衆僧功德智能不可稱計總而言之名爲佛也今在王舍鷲頭山中時波婆梨聞歎佛德自思惟言必當有佛我書所記拂星下現天地大動當生聖人今悉有此似當是也即勒彌勒等十六人往見瞿曇看其相好衆相若備心念難之我師波婆梨爲有幾相如我今者身有兩相一髮紺青二廣長舌若其識之復更心難我師波婆梨年今幾許如我

年者今百二十若其知之復更心念我師波
婆梨是何種姓欲知我種是婆羅門若其答
識復更心難我師波婆梨有幾弟子如我今
者有五百弟子若答知數斯必是佛汝等必
當爲其弟子念這一人語我消息時彌勒等必
達二十三
進趣王舍近到鷲山見佛足跡千輻輪相暎
然如畫即問人言此是誰跡有人答言斯是
佛跡時彌勒等遂懷慕仰徘徊跡側欽渴
仰時有比丘尼刹羅持一死蟲著佛跡處示
彌勒等各共看此汝等欽羨歎慕斯跡躡殺

衆生有何奇哉彌勒之等各共前看諦觀形
相是自死蟲即問比丘尼汝誰弟子比丘尼
答言是佛弟子時彌勒等各自說言佛弟子
中乃有是人漸進佛所遙見世尊光明顯照
衆相赫然即數其相不見其二佛即爲其出
舌覆面復以神力令見陰藏見相數滿益以
歡喜即奉師勅遙以心難我師波婆梨爲有
幾相佛即遙答汝師波婆梨唯有二相一髮
紺青二廣長舌聞是語已復更心難我師波
婆梨年今幾許佛遙答言汝師波婆梨年百

二十既聞是已復心念難我師波婆梨是何種姓佛即遙答汝師波婆梨是婆羅門種得聞是已復更心難我師波婆梨有幾弟子佛即遙答汝師波婆梨有五百弟子於時會者

達二

十三

聞佛所說甚怪如來獨說此語時諸弟子長

跪問佛世尊何故而說是言佛告比丘有波婆梨在波梨富羅國遣十六弟子來至我所試觀我相因心念難是以一一還以答之時彌勒等聞佛答難事事如實一無差違深生敬仰往至佛所頭面禮訖却坐一面佛爲說

法十五人得法眼淨各從坐起求索出家佛言善來鬚髮自墮法衣在身尋成沙門重以方便爲其說法其十五人成阿羅漢時彌勒等自共議言波婆梨師在遠邑遲宜時遣人還白消息十六人中時有一人字賓析奇是波婆梨弟子衆人即遣往白消息還到本國波婆梨所具以聞見廣爲說之波婆梨聞已喜發於心即從坐起長跪合掌向王舍城自說誠言生遭聖世甚難值遇恩覩尊容稟受清化年已老邁足力不強雖有誠欵靡由自

達世尊大慈豫知人心唯願屈神來見接濟
於時如來遙知其意屈伸臂頃來到其前禮
已舉頭尋見世尊驚喜踊躍禮拜問訊請令
就坐恭肅侍佛佛爲說法達阿那含於時世
尊尋還就鵠山時淨飯王聞佛道成遊行教化
多有所度情懷渴仰思得覩觀告優陀耶汝
往佛所騰我志意白於悉達汝本有要得道
當還願遵往言時來相見優陀耶到具宣王
意佛尋可之七日當往優陀耶喜還白消息
淨飯王聞告語諸臣優陀耶來云佛當還莊

嚴城內極令清潔塗汙街陌遍堅幢幡饒儲
華香當俟供養嚴辦已訖與諸羣臣四十里
外奉迎世尊於時如來與大衆俱八金剛力
士住在八面時四天王各在前導時天帝釋
與欲界諸天侍衛其左時梵天王與色界天
侍衛其右諸比丘僧列在其後佛在衆中放
大光明暉曜天地威踰日月普與大衆乘虛
達二
而往漸欲近王下齊人頭王與臣民夫人婦
女觀見大衆晃朗俱顯佛在中央如星中月
王大歡喜不覺下禮禮問畢竟與共還國往

尸拘盧陀僧伽藍是時國法男女有別王與臣民日日聽法聞法開悟得度者衆諸女人輩各懷怨恨佛與大眾雖復還國男子有幸獨得見聞我曹女人不蒙恩祐佛知其意即語王言自今已後令國男女番往聽法一日一更從是已後蒙度甚多時佛姨母摩訶波闍波提佛已出家手自紡織預作一端金色之罽積心係想唯俟於佛既得見佛喜發心體即持此罽奉上如來佛告憍曇彌汝持此罽往奉衆僧時波闍波提重白佛言自佛出

家心每思念故手紡織規心俟佛唯願垂愍爲我受之佛告之曰知母專心欲用施我然恩愛心福不弘廣若施衆僧獲報彌多我知此事是以相勸佛又言曰若有檀越於十六種具足別請雖獲福報亦未爲多何謂十六比丘比丘尼各有八輩不如僧中漫請四人所得功德福多於彼十六分中未及其一將來末世法垂欲盡正使比丘畜妻挾子四人以上名字衆僧應當敬視如舍利弗目犍連等時波闍波提心乃開解即以其衣奉施衆達二十五

僧僧中次行無欲取者到彌勒前尋糴受之
於後世尊與比丘僧遊波羅奈轉行化導爾
時彌勒著金色罽衣身既端正色紫金容表
裏相稱威儀庠序入波羅奈城欲行乞食到
大街上擎鉢住立人民之類覩其色相圍繞
觀看無有厭足雖皆欽敬無能讓食有一穿
珠師偶到道旁見於彌勒甚懷敬慕即問大
德爲得食未答言未得尋請將歸辦設飲食
食已涕泣爲說妙法言辭高美聽之無厭時
有大長者值欲嫁女先與一珠座令穿之若

其穿訖當與錢十萬於時長者遣人來索珠
師聞法五情甘樂語言且去比後當穿其人
復語今急須之念時著手囑已還去具語長
者斯須之頃重遣往索猶故聽法未爲穿之
還語長者長者恨言旣重相催不唐倩託而
乃前却不稱我要更重遣人因齋錢往若其
未穿還擔珠來使人到問猶故聽法知未穿
珠急從還索事不得已即取還他穿珠之師
在彌勒前次第聽法心無厭退其妻瞋恚嫌
責夫言須臾之勞當得錢十萬以供家中衣

食乏短但聽沙門浮美之談亡失爾許錢財
之利夫聞其言情懷悔恨彌勤知意而語之
言沒今能共至精舍不答言可爾即時共到
精舍將到僧中問衆僧言若有檀越請一持
戒清淨沙門就舍供養所得盈利何如有人
得十萬錢時憍陳如尋即說言假使有人得
百車珍寶計其福利不如請一淨戒沙門就
舍供養得利弘多舍利弗言設令有人得一
建二十六閻浮提滿中珍寶猶不如請一淨戒者就舍
供養獲利彌多目犍連言正使有人得二天

下滿中七寶實不如請清淨沙門於舍供養
得利極多其餘比丘如是各各引於方喻比
校其利皆悉多彼時阿那律復自說言正令
得滿四天下寶其利猶復不如請一清淨沙
門諸舍供養得利殊倍所以然者我是其證
自念過去九十一劫時世有佛號毗婆尸般
涅槃後經法滅盡時閻浮提有一大國名波
羅柰爾時國中有一薩薄家居巨富無所乏
少有二男兒各皆端正長名跋陀小字阿跋
陀父垂命終告勑二子我必不免當即後世

波等兄弟念相承奉合心并力慎勿分居所
以然者譬如一絲不狂繫象含集多絲乃可
制象譬如一葦不能獨然合捉一把然不可
滅今沒兄弟亦復如是共相依恃外人不壞
卷二
內穆勤家則財業日增囑誠之後氣絕命終

兄弟奉教合居數時後阿淚吒婦自心念言
今共居止留難兄家人客知識不得瞻待若
當分異各自努力情既無難可得成家念是
事已具向夫說阿淚吒聞婦所言以爲不可
婦復慇懃廣引道理阿淚吒情迴以事白兄

兄復引父垂命之言廣示方比不可之理時
阿淚吒婦數數勸動其夫意決急求分居兄
見意盛與分家居分異之後阿淚吒夫妻恣
情放志招合伴黨飲噉奢侈不順禮度未經
幾年家物耗盡窮罄無計詣兄匱乏兄復矜
之與錢十萬月盡更索如是六反前後凡與
六十萬錢後復來求兄復訶責亡父勑誠沒
不承用未經幾時求共分異喪用無度不可
供給前後與沒六十萬錢沒不知足復更求
索今復更與沒十萬錢能有能無更勿來索

其弟得責慚愧取錢夫婦改操謹身節用勤
心家業財產日廣其後漸富更無乏短其兄
渢吒連遭衰難所在破亡財物迸散家理次
窮無有方計往到弟邊說所闕闊求索少錢
供足不逮其弟瞋嫌而語兄言謂望兄家不
識有貧云何復來從我所索作是語已乃不
讓食兄便還去而自愕然生死之中何可畏
耶形體兄弟不識恩養豈況他人當推義理
心即厭世捨家入山靜坐思惟諸法生滅心
即開悟成辟支佛威儀可觀入城乞食後值

世儉人民飢乏時辟支佛乞食難得時弟阿
渢吒後轉貧乏復值歲荒食穀不繼日往取
薪賣糴稗子共家婦兒以自供活一日晨朝
早往入澤於城門中見辟支佛威儀可觀入
城乞食即往取薪還來到門見辟支佛空鉢
而出心自生念此是快士晨見入城今乃空
來若今見我共歸至舍當共分食以奉施之
卷二
作是念已捨之而去時辟支佛尋知其意即
隨其後往到門中阿渢吒見之心用歡喜即
爲敷牀請今入坐索其自分稗子之糜躬手

自持施辟支佛時辟支佛語阿跋吒言汝亦
飢渴當共分敵阿跋吒白言我曹世俗食無
時節尊日一食但願爲受即受食訖感其至
心遭斯歲儉父子不救能割食分以用見施
當爲現變令其歡喜即飛虛空身出水火廣
現神足還住其前語阿跋吒言欲求何願恣
隨汝意見變歡喜踊躍即前至心自立誓言
一切衆生多種求財我願世世莫有所乏情
有所欲應意而至又願將來得遇上士功德
勝汝百千萬倍令我於彼得漏盡證神足變

化與汝不異求願已訖倍復歡喜時辟支佛
還歸所止時阿跋吒即還入澤取薪到見一
兔意欲捕取走遂轉近以鎌遙擲即時墮地
適欲前取化爲死人上其背上急抱其頭盡
力推却不能令却心懷恐怖惶惶苦惱意欲
入城共婦解却復恐人見令不聽入留待日
建二十九
暮以衣用覆擔負入城往趣其舍已到舍內
自然墮地變成一聚闇浮檀光明晃昱并
照比舍展轉談之向徹於王王即遣人往看
審實使人到覩見是死人尋還白王是死人

耳王問餘人猶言是金甚怪所以重遣人看如是七反來言不定王即自往親住看之見是死人形漸欲臭即問阿跋吒汝見是何答言看寶是金即取少許用奉於王王見金色敬之未有問其所由何由得此於時阿跋吒具以本末向王而說必當由施辟支佛故王聞其語歎言善哉汝得快利值此上人即更賜與拜爲大臣如是諸尊彼阿跋吒者則我身是我於彼世以少釋糜施辟支佛因自求願緣是以來九十一劫生天人中無所乏少

三事挺特端正受稱情有所欲應意而至乃至今身在家之時我常優遊不喜世務兄摩訶男常有怨辭我母語言我兒福德摩訶男言我獨勞慮家理田業優閑卧食云何非德其母欲試遣我至田監臨種作全不送食我怪食遲遣人往索母遣人語我云無所有我還白母唯願與我送無所有於時其母聞兒是語即取寶案嚴具器物以樸覆上送以與我令摩訶男逐而看之已到我前發去其樸百味飲食案器悉滿如是餘時在前應意若

令滿得四天下寶劫盡之時理當消滅復不得久如是我以少糜施辟支佛九十一劫福利未滅復緣斯德見佛度苦以是之故故知請一淨戒比丘於舍供養得利多彼四天下寶時阿那律說是語已於時世尊從外來入聞阿那律說過去事告諸比丘汝等比丘說過去事我復次說未來事將來之世此閻浮提土地方正平坦廣博無有山川地生輒草猶如天衣爾時人民壽八萬四千歲身長八丈端正殊妙人性仁和具修十善彼時當有

轉輪聖王名曰勝伽

此言貝也彼時當有婆羅門

家生一男兒字曰彌勒身紫金色三十二相衆好畢滿光明殊赫出家學道成最正覺廣爲衆生轉尊法輪其第一大會度九十六億衆生之類第二大會度九十四億第三大會度九十二億如是比丘三會說法得六度者悉我遺法種福衆生或三寶中_六供養者出家在家持齋戒者燒香然燈禮拜之者皆

在彼三會之中三會度我遺_六衆生然後化同緣之徒於時彌勒聞佛此語從座而起

長跪白佛言願作彼彌勒世尊佛告之曰汝所言汝當生彼為彌勒如來如上教化悉是汝也於時會中有一比丘名阿侍多長跪白佛我願作轉輪之王佛告之曰汝但長夜

達二

九

貪樂生死不規出耶於時在會一切大衆見

佛世尊授彌勒汝當來成佛猶字彌勒各皆有疑欲知本末尊者阿難即起白佛彌勒成佛復字彌勒不審從何造起名字佛告阿難諦聽著意過去無量阿僧祇劫此閻浮提有一大國王名曇摩留支領閻浮提八萬四千

國六萬山川八十億聚落二萬夫人嫁女一萬大臣有一小國豐樂是中國王名波塞奇時弗沙佛初出世在此國中化導衆生時波塞奇王與諸羣臣專供養佛及於衆僧不暇得往朝覲大王貢獻音信亦悉斷替於時大王怪其間絕即遣使者往責所以使者到已宣王言令比年已來人信俱斷汝爲人臣何以違常將有異心欲懷逆耶時波塞奇得大王教自知違替靡知所如即往見佛白如是事佛告王言汝勿憂慮但還遣使以誠往

言佛在我國朝夕承事是以不暇往覲大王
國內財物供佛及僧無有遺餘可以獻貢波
塞奇王得佛教已即還報使如佛所語使到
見王具遵守其意大王聞之甚懷感怒即合諸
臣共詳此事諸臣皆言彼王傲慢橫引道理
宜合兵衆往攻伐之王即然之合兵躬往前
軍近到彼王乃知心懷怖懼急往白佛佛告
王言莫用憂慮但自往見宣說前語波塞奇
王即與羣臣往到界上見於大王禮問畢訖
住的一面大王責問汝何所恃違慢失常不

來朝覲波塞奇言佛世難值甚難得覲頃來
在國化道民物朝夕奉侍故使違督於時大
王復更重責正使令爾何以斷獻波塞奇言
佛有徒衆名曰衆僧戒德清淨世良福田合
國所有常用供養無有羸長可以爲貢雲摩
留支聞此語已告言且住須我見佛見佛來
還乃問汝罪即與羣臣往至佛所是時如來
大衆圍繞各悉靜默端坐入定有一比丘入
慈三昧放金光明如大火聚曇摩留支遙見
世尊光明顯赫明曜踰日大衆圍繞如星中

月爲佛作禮問訊如法見此比丘光明特顯
即白世尊此一比丘入何等定光曜乃爾佛
告大王此比丘者入慈等定王聞是語倍增
欽仰言此慈定巍巍乃爾我會當習此慈三
昧作是願已志慕慈定意甚柔軟更無害心
即時請佛及比丘僧唯願迴神往到大國佛
即許可剋日當往波塞奇王聞佛欲往至大
王國甚懷戀恨愁惄無慘心自念言若當令
我是大王者如來則當常住我國由我小故
不得自在念是事已即問佛言諸王之中何

者最大佛告之曰轉輪王大波塞奇王因自
作願我由來供養佛及衆僧持此功德誓願
將來世世常作轉輪之王如是阿難爾時大
王曇摩留支者今彌勒是始於彼世發此慈
心自此已來常字彌勒彼波塞奇王今祇陀
是乃於彼中常作轉輪王自是已來世世恒
作乃至今日功德不盡是以今日復求索作
時穿珠師聞說是已尋發無上正真道意其
餘會者聞佛所說有得須陀洹斯陀含阿那
舍阿羅漢者有發無上正真道意者有得還

住不退地者各皆敬戴歡喜奉行

二鸚鵡聞四諦緣品第五十八

如是我聞一時佛在舍衛國祇樹給孤獨園
爾時長者須達敬信佛法爲僧擅越一切所
須悉皆供給時諸比丘隨其所須日日往來
說法教誨須達家內有二鸚鵡一名律提二
名賒律提稟性黠慧能知人語諸比丘往來
每先告語家內聞知拂整敷具歡喜迎逆是
時阿難往到其家見鳥聰黠愛之在心而語
之言欲教汝法二鳥歡喜授四諦法教令誦

習而說偈言

豆依 三牟提耶 尼樓陀 末伽

此言告集滅道

門前有樹二鳥聞法喜悅誦習飛向樹上次
第上下經由七反誦讀所受四諦妙法其暮
宿樹野狸所食緣此善心即生四天尊者阿
難明日時到著衣持鉢入城乞食聞二鸚鵡
爲狸所殺生矜愍心還白佛言須達家內有
二鸚鵡弟子昨日教誦四諦其夜命終不審
識神生處何所唯願如來垂愍見示佛告呵
難誦聽諦聽善著心中當爲汝說令汝歡喜

緣汝授法喜心受持命終之後生四王天此
閻浮提五十歲爲四王天上一日一夜彼亦
三十日爲一月十二月爲一歲彼四王天壽
五百歲阿難問佛於彼命終當生何處佛告
阿難當生第二忉利天上此閻浮提百歲爲
忉利天上一日一夜亦三十日爲一月十一
月爲一歲彼忉利天壽千歲阿難復問於彼
命終當生何處佛告阿難當生第三餚摩天
上此閻浮提二百歲爲餚摩天一日一夜亦
三十日爲一月十二月爲一歲彼餚摩天上

壽二千歲阿難又問於彼命終當生何處佛
告阿難當生第四兜率天上此閻浮提四百
歲爲彼天上一日一夜亦三十日爲一月十
二月爲一歲彼兜率天壽四千歲阿難又問
於彼命終當生何處佛告阿難當生第五無
惱樂天此閻浮提八百歲爲第五天上一日
一夜亦三十日爲一月十二月爲一歲彼第
五天壽八千歲阿難又問於彼命終當生何
處佛告阿難當生第六化應聲天此閻浮提
十六日歲爲第六天上一日一夜亦三十日

爲一月十二月爲一歲彼第六天壽萬六千

歲阿難又問於彼命終復生何處佛告阿難

還是第五天上如是次第至四天王天上下

七反生六欲天中自恣受福極天之壽無有

中天阿難又問六天壽盡當生何處佛告阿

難當下閻浮提生於八中出家學道緣前鳥

時誦持四諦心自開解成辟支佛一名曇摩

二名修曇摩佛告阿難一切諸佛及僧賢聖

天人品類受福多少皆由於法種其善因致

使其後各獲妙果爾時阿難及諸衆會聞佛

所說歡喜奉行

鳥闍比丘說法生天緣品第五十九

如是我聞一時佛在舍衛國祇樹給孤獨園

爾時世尊於林樹間有一比丘坐禪行道食

後經行因爾誦經音聲清妙雅好無比時有

一鳥敬愛其聲飛在樹上聽其音響時有獵

師以箭射殺緣慈善心即生第二忉利天中

父母膝上忽然長大如八歲兒面貌端正殊

異光明炳然無有倫匹即自念言我以何福

得生此中天福果報便識宿命觀見故身本

說歡喜奉行

賢愚因緣經卷第十二

卷二

廿六

音釋

跳他弔切貰貳切剏始切舉羊諸切紡撫雨切
躍越也切鑄郎豆切弃夷益切鉤鉤綱切繆繆絲也切
所說諸法實爲深妙乃至飛鳥緣愛法聲獲龍主切急音急也切脣雕刻切也也切忽忽閑
福無量豈況於人信此牢固受持之者所獲女教切不靜也不暇也切闇闇於切訪訪手切
果報難以爲比爾時阿難及諸大衆聞佛所梵語也此云覩覩也切賄財也切也也切躡躡也切
達觀也切親親也切宿宿也切宿宿也切宿宿也切宿宿也切

是禽獸蒙彼比丘誦經福報得生此中即持天華諸間淨提到比丘所禮敬問訊以天華香供散其上比丘問言汝是何神答言我本是鳥愛尊音聲來此聽承爲獵師所殺因此善心生忉利天比丘歡喜即命令坐爲其說法種種妙善天人聞解得須陀洹果歡喜踊躍即還天上佛告阿難如來出世饒益甚多所說諸法實爲深妙乃至飛鳥緣愛法聲獲福無量豈況於人信此牢固受持之者所獲果報難以爲比爾時阿難及諸大衆聞佛所

慘 鎏 鶯 連 洞 徒
頰 悽 離 室 浪 切
也 蒜 也 各 切
也 蒜 也 盡 切
切 糜 亭 切 𠩺 丑
狸 樸 市 也 亞
獸 良 逢 切 數 數
名 脂 也 王 切
切 羸 似 薄 頻 色 角
羸 長 穀 邁 數
長 羸 直 草 切
羸 直 成 嫌 嫌
亮 成 切 賢 賢
切 剥 俗 忙 切
也 也 皮 也 切
也 也 愕

永樂北藏

賢愚因緣經

第一二八冊